

## **Sango - Salut Mbeti ti Nzapa - Deliverance Scriptures**

**Namoota 10:35 Na tonga na Arche a loundou ti goue, Moïse a tene,  
Loundou, O L'Eternel! djia aouato ti Mo a kangbi kirikiri, na djia ajo so a  
ke Mo a kpe na gbele Mo!**

**Deutéronome 23:5 Mais L'Eternel Nzapa ti mo A ma yanga ti Balaam pepe,  
na L'Eternel Nzapa ti mo A bian tene ti zonga ti ga tene-ndjoni na li ti mo,  
teti L'Eternel Nzapa ti mo A ndoye mo. (Néhémie 13:2)**

**Psaume 44:4(5) O Nzapa, Mo yeke Gbia ti mbi. A yeke Mo so a sala si Jacob  
a ho aouato na ngangou.**

**Esaïe 61:1 Yingo ti Seigneur L'Eternel A yeke na ndo Mbi, teti L'Eternel a sa  
mafouta na li ti Mbi ti fa tene-ndjoni na aouanzinga; Lo to Mbi ti sala si  
be ti jo so a fa' aoue a ga ndjoni, ti fa tene ti liberté na amgba, ti  
lounguela ajo so a kanga ala; (Luc 4:18)**

**Matthieu 6:13 Na Mo djia ani ti na ya handa pepe, mais Mo dji ani na ti ti  
ouato-sioni.**

**Matthieu 8:16 Tonga na la a koui aoue, ala ga na ajo mingui na Lo, ajo so a  
yeke na ayingo sioni. Lo touma ayingo sioni so na guigui na legue ti tene  
ti Lo, na Lo lounguela kobela ti ajo koue so a yeke na kobela.**

**Matthieu 10:1 Jésus A iri adisciple ti Lo balioko na ndoni osse. Lo mou  
naala ngangou ti touma ayingo sioni na guigui, ti lounguela kobela koue,  
na ti kiri ngangou na ajo koue so tele ti ala a yeke na ngangou pepe.  
(Marc 3:14,15)**

**Matthieu 10:8 I lounguela kobela ti ajo ti kobela, i ya aouakinda, i sala si  
ajo ti nguiba a ga ndjoni, na i touma ayingo sioni na guigui. A mou ye na i  
sengue sengue, i mou ye na ajo sengue sengue.**

**Matthieu 12:26-29 Tonga na Satan a touma Satan na guigui, lo kangbi ya ti  
lo mveni aoue. Fade royaume ti lo a ngba tonga na gne. 27 Tonga na Mbi  
touma ayingo sioni na guigui na legue ti ngangou ti Béelzébul,  
amelengue ti i a touma ala na guigui na legue ti ngangou ti jo gne. Tonga  
so fade ala ga ajuge ti i. 28 Mais tonga na Mbi touma ayingo sioni na  
guigui na legue ti ngangou ti Yingo ti Nzapa, ka' royaume ti Nzapa a si na  
i aoue. 29 Tonga na jo a kanga jo ti ngangou kodjoni pepe, na legue gne  
lo lingbi li na da ti jo ti ngangou ni ti gbo ye ti da ti lo. (Marc 3:23-27)**

**Matthieu 12:43-45 Tonga na yingo sioni a si guigui na ya ti jo, lo fono na ndo  
so ngou a yeke da pepe ti gui ndo ti ouo tele ti lo, mais lo ouara ndo**

**pepe. 44 Tonga so lo tene, Fade mbi kiri na da ti mbi so mbi djia aoue. Tonga na lo si, lo ba da ni a yeke sengue, a balé ya ni aoue, na a leke ya ni aoue. 45 Tonga so lo goue lo kamata ambeni yingo mbassambala so a yeke sioni aho lo, na ala li na ya da ni, ala douti da. Ye ti nda ni ti jo so a yeke sioni aho ye ti kodjoni. Fade ye a si legueoko tonga so na aouagame so ti sioni.**

**Matthieu 15:22,26,28 Na ba, mbeni ouali ti sesse ti Canaan a ga a tene na kongo, Seigneur, Melengue Ti David, Mo sala be-ndjoni na mbi! Mbeni yingo sioni a sala ngangou mingui na melengue ti mbi ti ouali. 26 Na lo kiri tene na lo, A yeke ndjoni pepe ti kamata mapa ti amelengue ti bi ni na ambo. 28 Na ndani, Jésus A kiri tene na lo, Ouali, mabe ti mo a yeke kota. A sala na mo legueoko tonga na mo ye. Na kobela ti melengue ti lo a oue na tâ l'heure ni so.**

**Matthieu 16:19 Fade Mbi mou na mo aclé ti royaume ti yayou. Ye so mo kanga na sesse so, fade A kanga ye so na yayou, na ye so mo dji na sesse so, fade A dji ye so na yayou. (Matthieu 18:18)**

**Matthieu 17:19-21 Na peko ni, adisciple a ga na Jésus na ndo so mbeni jo a yeke da pepe, ala tene, Teti gne ani lingbi pepe ti touma yingo sioni so na guigui. 20 Na Lo tene na ala, Teti mabe ti i a yeke kete mingui. Biani, Mbi tene na i, tonga na i yeke na mabe, même kete alingbi na le' ti moutarde, fade i tene na hoto so, Loundou na ndo so, mo goue na ndo ka, na fade hoto ni a goue. Fade ye oko a yeke pepe so i lingbi sala pepe. 21 Mais ayingo sioni ti mara so a lingbi si guigui gui na legue ti sambela na ti django-kobe.**

**Marc 1:23-26 Na l'heure ni so, mbeni jo so a yeke na yingo sioni a yeke na ya synagogue ti ala. Lo tene na kongo, 24 Tene ti ani na tene ti Mo a yeke oko tonga na gne, Mo Jésus Ti Nazareth. Mo ga ti fa' ani? Mbi hinga Mo, Mo yeke Lo Ti Ndjoni-koue ti Nzapa. 25 Jésus A djingo na lo, Lo tene, Kai! mo si guigui na ya ti lo. 26 Tonga na yingo sioni ni a yingui jo so ngangou na lo de kongo aoue, lo si guigui na ya ti jo ni.**

**Marc 1:32-34 Tonga na la a koui aoue na ndo a de, ala ga na ajo na Lo, ajo koue so a yeke na kobela, na ajo so a yeke na ayingo sioni. 33 Ajo koue ti kodro ni a bongbi na yanga ti da ni. 34 Lo lounguela kobela nde nde ti ajo mingui, Lo touma ayingo sioni mingui na guigui. Lo djia legue na ayingo sioni so ti sala tene pepe, teti ala hinga Lo.**

**Marc 1:39 Tonga so Lo tambela na sesse ti Galilée koue, Lo fa tene na ya asynagogue ti ala, na Lo touma ayingo sioni.**

**Marc 5:8 Teti Jésus A tene na lo, Mo yingo sioni, mo si guigui na ya ti jo so!**

**Marc 6:7,13 Jésus A iri adisciple balioko na ndoni osse, Lo commencé ti to ala osse osse. Lo mou na ala ngangou ti commandé ayingo sioni. 13 Ala touma ayingo sioni mingui na guigui, ala sa mafouta na ndo ajo mingui ti kobela na ala lounguela kobela ti ala.**

**Marc 9:23-25 Jésus A tene na lo, Tonga na mo lingbi! A lingbi sala ye koue teti jo so a ma na be. 24 Na fade fade baba ti melengue so a tene na kongo, Mbi ma na bel! Sala na mbi na ndo so mabe ti mbi a manqué! 25 Tonga na Jésus A ba ajo mingui a yeke kpe ti bongbi, Lo djingo na yingo sioni so. Lo tene na lo, Mo yingo ti mbongui na ti boubourou, Mbi commandé mo, mo si guigui na ya ti melengue so, mo kiri na ya ti lo mbeni pepe.**

**Marc 9:29 Lo tene na ala, Yingo ti Mara so a lingbi si guigui qui na legue ti sambela.**

**Marc 9:38,39 Jean a tene na Lo, Maître, ani ba mbeni jo so a yeke touma ayingo sioni na guigui na iri ti Mo, na ani ke na lo, teti lo tambela na ani pepe. 39 Mais Jésus A tene, I ke na lo pepe, teti jo so a sala miracle na iri ti Mbi a lingbi sala tene sioni na li ti Mbi fade fade pepe.**

**Marc 16:17 Na fade afâ so a goue na peko ti ala so a ma na be: fade ala touma ayingo sioni na guigui na iri ti Mbi; fade ala sala tene na afini yanga so ala hinga kodjoni pepe;**

**Luc 4:34-36 Djia ani! Mo ye ti sala gne na ani, Mo Jésus Ti Nazareth. Mo ga ti fa' ani? Mbi hinga Mo, Mo yeke Lo Ti Ndjoni-koue ti Nzapa. 35 Jésus A djingo na lo, Lo tene, Kaï! mo si guigui na ya ti jo so. Na tonga na yingo sioni ni a bi lo na sesse na popo ti ala aoue, lo si guigui na ya ti jo ni mais lo sala sioni na lo pepe. 36 Be ti ajo koue a do, ala tene na popo ti ala, Tene so a yeke gne. Lo commandé ayingo sioni na ngangou, na ala si guigui.**

**Luc 4:41 Na nga, ayingo sioni a si guigui na ya ti ajo mingui. Ayingo sioni so a de kongo, ala tene, Mo yeke Melengue Ti Nzapa! Mais Lo djingo na ala, Lo djia legue na ala pepe ti sala tene, teti ala hinga Lo yeke Christ ni.**

**Luc 7:21 Na tâ l'heure ni so, Lo lounguela kobela mingui ti ajo so a yeke na kobela, na ti ajo so tele ti ala a so. Lo touma ayingo sioni, na Lo sala si aouaziba a ba ndo.**

**Luc 8:29 Yingo ni a gbo lo legue mingui, na ajo ti bata lo a kanga lo na zinguere na olombo, mais lo fa' aye so koue, na yingo sioni ni a touma lo a ho na lo na yando.**

**Luc 9:40 Mbi voro adisciple ti Mo ti touma yingo so na guigui, mais ala lingbi pepe.**

**Luc 10:17-20 Na ala balimbassambala a kiri na tâ nguia, ala tene, Seigneur, même ayingo sioni a ma yanga ti ani tonga na ani commandé ala na iri ti Mo. 18 Lo tene na ala, Mbi ba Satan a loundou na yayou a ti tonga na gnekpa. 19 Ba, Mbi mou na i ngangou ti doro angbo na akpalakongo na gbe guele ti i, na ti ho ngangou koue ti ouato-sioni. Fade ye oko a sala ngangou na i pepe. 20 Tonga so i douti na nguia pepe teti ayingo sioni a ma yanga ti i, mais i douti na nguia teti a sala iri ti i na mbeti na yayou.**

**Luc 11:14 Jésus A yeke touma na guigui mbeni yingo sioni ti boubourou.**

**Tonga na yingo sioni so a si guigui na ya ti ouaboubourou aoue, ouaboubourou ni a sala tene, na be ti ajo so a sî sîngô a do.**

**Luc 11:20-22 Mais tonga na Mbi touma ayingo sioni na guigui na legue ti ngangou ti liti ti Nzapa, ka' royaume ti Nzapa a si na i aoue. 21 Tonga na jo ti ngangou a you ye ti bira na a bata da ti lo, jo a ndji ye ti lo pepe. 22 Mais tonga na mbeni jo ti ngangou aho a ga, fade lo ho lo na ngangou. Fade jo so a ho lo na ngangou a lounguela aye koue so lo sala bira na ni, aye so lo djia be ti lo da. Fade jo ti ngangou aho a kangbi ye so lo gbo aoue.**

**Luc 13:32 Lo tene na ala, I goue, i tene na renard so, Ba, Mbi yeke touma ayingo sioni na guigui na Mbi yeke lounguela kobela la so na kekereke. Na la ota ni, fade Mbi si na ndo so Mbi yeke goue da.**

**Jean 14:12 Biani, biani, Mbi tene na i, jo so a ma na be na Mbi, fade lo sala akoussala tonga na so Mbi sala. Na fade lo sala akoussala ti kota aho so, teti Mbi goue na Baba.**

**Jean 17:15 Mbi hounda Mo pepe ti lounguela ala na sesse so. Mais Mbi voro Mo ti bata ala si ouato-sioni a sala ye na ala pepe.**

**Koussala ti aBazènguèlé 10:38 I hinga legue so Nzapa A sa Yingo Voulou na ndo Jésus Ti Nazareth na A mou ngangou na Lo. Na i hinga, Lo goue na ndo nde nde ti sala ndjoni, na ti dji ajo koue so djabalo a sala ala na mgbâ. Lo sala aye so koue teti Nzapa A yeke na Lo.**

**Koussala ti aBazènguèlé 16:17,18 Lo tambela na peko ti ani na Paul, lo tene na kongo, Ajo so a yeke aboy ti Nzapa Ti Ndouzou Aho Koue, ala yeke fa na i legue ti salut. 18 Lo sala ye so la mingui. Mais be ti Paul a so, lo qui tele ti lo, lo tene na yingo so, Mbi commandé mo na iri ti Jésus-Christ ti si guigui na ya ti lo. Na yingo ni a si guigui na tâ l'heure ni so.**

**Koussala ti aBazènguèlé 19:11,12 Nzapa A sala akota miracle na legue ti Paul. 12 Ajo a kamata amouchoir ouala atablier so a ndou tele ti lo, ala goue na ni na ajo ti kobela, na kobela nde nde ti ala a djia ala, na ayingo sioni a si guigui na ya ti ala.**

**Koussala ti aBazènguèlé 26:15-20 Na mbi tene, Mo yeke Jo gne, Seigneur.**

**Na Seigneur A tene, Mbi yeke Jésus, Lo so mo yeke sala ngangou na Lo. 16 Mais loundou, mo louti na guele ti mo. Mbi si na mo ti iri mo na guigui ti ga jo ti koussala na témoin ti ye so mo ba aoue, na ti ambeni ye so fade Mbi fa na mo. 17 Fade Mbi dji mo na ti ti Ajuif na ti Agentil, ala so Mbi yeke to mo na ala. 18 Mbi to mo ti lounguela le ti ala si ala djia bingo ti ga na lumière, na si ala si guigui na gbe ti ngangou ti Satan ti ga na Nzapa. Mbi to mo si ala so a ma na be na Mbi a ouara pardon ti siokpari, na a ouara ye ti héritier na popo ti ajo so Mbi bata ala nde teti Mbi mveni. aRomain 16:20 Fade Nzapa ti siriri a doro Satan na gbe guele ti i. Be-ndjoni ti Seigneur ti ani Jésus-Christ a douti na i!**

**2 Corinte - 2 aCorinthien 2:11 si Satan a ho ani pepe, teti ani hinga mayele ti lo.**

**Galatie - aGalate 1:4 Lo so A mou Lo mveni guiriri teti siokpari ti ani, si Lo lingbi lounguela ani na ya ngoy ti sioni ti fade so, na legue ti ye so Nzapa Baba ti ani a ye;**

**Ephèse - aEphésien 4:27 na i djia ndo na djabalo pepe.**

**Ephèse - aEphésien 6:11 I you ye ti bira ti Nzapa koue, si i lingbi louti ti ke mayele ti djabalo.**

**2 Thessalonique - 2 aThessalonicien 3:2,3 si A dji ani na ti ti ajo ti kirikiri, na ajo ti sioni; teti mabe a yeke na ajo koue pepe. 3 Mais Seigneur A yeke Be-Tâ-Jo, fade Lo sala si i kpungba, na Lo bata i si i ti na ti ti ouatosioni pepe.**

**2 Timothée 2:26 na li ti ala a ga da mbilimbili, na ala si guigui na ya son ti djabalo, lo so a gbo ala ti sala ye so lo ye.**

**2 Timothée 4:18 Fade Seigneur A dji mbi na ya sio koussala koue, na Lo sau mbi si mbi si na royaume ti Lo ti yayou. A mou gloire na Lo la koue la koue! Amen.**

**1 Pierre 5:8 I douti na donji, i sala sinziri! Ouato ti i djabalo a yeke tambela tonga na bamara so a toto, na lo yeke gui jo so lo lingbi mene lo.**

**1 Jean 4:4 I akete melengue, i yeke ti Nzapa, na i ho ala na ngangou aoue. Teti Lo so A yeke na ya i A yeke kota aho lo so a yeke na sesse so.**